

甯陽縣志卷十

古蹟

故甯陽城後漢書章懷太子注在今兗州龔邱縣南

詳藝

文甯陽龔邱兩故城說

故成城

詳沿革考及藝文成邲辨

故汶陽城

詳沿革考及藝文汶陽說

故剛城舊志云在縣東北三十五里頽垣高數丈城內

糝樓釣臺故址宛然似非漢跡土人相傳為梁武帝築

或曰梁王朱全忠全忠建都於汴此豈其擊兗時所重

甯陽縣志

卷之十

古蹟

一

築邪不可考矣

按蕭梁時全兗俱入北魏武帝無從於此築城全忠於唐末曾擊兗州朱瑾鄆

州朱瑄或駐兵於兗或駐兵於鄆唐兗治瑕邱今滋陽鄆治須昌今陽穀剛城在兗鄆之間全忠於此因故壘

築城以通聲援濟餽饟理或有之但是時全忠初封沛郡王改吳興郡王尚未為梁王也又北魏復置剛縣治

故剛城詳沿革考

故龔邱城舊志云今縣南十五里有古城在古龔邱臺

正南略東或即古龔邱城

併詳沿革考及藝文甯陽龔邱兩故城說

故春城

詳沿革考

半城在縣東南十里

泗莊社

舊志云相傳為漢褒魯侯居

第

土城在縣東北十八里

社石碣

遺址周圍約二里許舊志

云相傳亦漢褒魯侯故城

按漢平帝元始元年封魯頃公八世孫公子寬為褒魯侯

奉周公祀蓋是時王莽動法周公故謬為此盛舉也恩澤侯表云食邑於南陽郡地理志南陽郡宛縣注云莽

曰南陽是侯食邑於南陽郡之宛縣甯陽相距殊遠何以有其故第故城乎其誤明甚路史云龔邛有古謝城

周宣王支子所封此或其遺跡歟

故盛鄉城即古邲國春秋邲公羊俱作盛水經注泚水

西南流經盛鄉城西京相璠曰剛縣西南有盛鄉城案

故邲城在今汶上縣西北正在剛之西南但今泚水出

故剛縣東南流西距古邲國近八十里而云經盛鄉城

甯陽縣志

卷之十

古蹟

二

西或水道中有變更歟

按此城本不在縣境以其有關泚水故道故仍舊志存之舊志

所載尚有故下謹城故鑄國城故遂國城故蛇邲城蛇淵園棘故梁父城故菟裘城均不隸今縣境內又故闡

城即故剛城未免重複故概置弗錄誌地惟取詳實考古無須附會也說併詳沿革考

東臺在縣南里許舊志云相傳周公居東繫易於此故

又名周公臺案周公居東先儒皆謂避居東都惟申培

詩說以為居魯以東臺證之似居魯近是

魯義姑姊退齊師處在縣東七十里南義社

義姑姊故里在縣東八十里南義集東

兩疏故里在縣西南二十里東東西東

東疏通晉東哲漢疏廣之後

二村是也束一作蜀

蜀魯地名春秋成二年公及楚人秦人宋人陳人盟於蜀是也

人掘地得石碣刻漢兩疏故里始知束蜀皆傳襲之誤案兩疏蘭陵人爲今嶧縣相距百里殆當日僑寓於此

耶

前志列二疏於流寓並錄其傳究不足據今刪去本傳以示傳信仍錄石碣以存故蹟

周倉故里舊志云在縣城西三十里黃茂村又有周倉寨在臥牛山西北土岡連亘數里

論曰自來編志乘者必紀古蹟所以摭摭殘賸蒐補闕佚與載籍相攷鏡也然而年代遐阻昔牒無徵傳聞異辭故老難問卽如一鉅平也或以屬之泰安一汶陽也

甯陽縣志

卷之十

古蹟論

三

或以屬之曲阜他如蛇邱盛鄉遂鑄之互有所屬者彌復辨證紛紜聚訟莫決而况頽垣斷址迷離於荒榛叢棘之中碎碣殘碑沈蕕於黯蘚幽落之際雖冥索狂搜烏能存千百之十一哉疑以傳疑姑弗深論惟元公之臺二大夫之居義姑姊之里流芬餘澤聞者興起憑弔故墟千載下有餘慕焉是固未可一例論也舊志於古蹟徵引頗繁補初志所未備今摘其有關典要者附入沿革考中其鄙倍不經如梁王點軍臺

舊志云在縣東北十里又相傳

禹治水時以萬勛鐵牛鎮海眼止水患其說甚妄

范郎石

舊志云在石碣社俗傳范郎築長城經憩

於此亦不知何許人按琴操云范杞梁妻者齊邑范梁
殖之妻所作也世傳秦築長城有范郎之妻孟姜送寒
衣於城下聞夫死一哭而長城爲之崩乃係因杞梁之
妻善哭其夫而附會者今以此石屬之築長城之范郎
何舊志云在城東北四十五里兩石南之類概
耶北相距約五里許世傳隕星於此

從芟削又魏家寨已見山川門中不復復載餘者悉著
於篇惟成紀侯廟泰伯祠李陽冰碑孟知進石碣并別
錄焉

續增

唐張叔明故里在縣東梧桐峪詳孔尚任石門山記

金石

舊缺
今補

將軍堂天然三字奇蹟

詳見山川
陪山條下

唐吳道子觀音畫像石刻

天寶二年刻石舊在邑城

南火神廟側嗣火神廟移建邑城西門外此石亦移嵌

廟門外壁間

南宋太子中舍韓鐸墓碑

在縣東三里鐸墓側文字

剝落惟宗派圖可辨云韓大用寺丞子鐸太子中舍鐸

子純金紫光祿大夫純子本大夫本子曰杰從政曰烈

曰熙俱迪功

按宋書百官志太子中舍人晉初置職如
黃門侍郎又太子舍人第七品蓋亦如今

甯陽縣志

卷之十

金石

五

之中書
舍人

唐上元石刻般若波羅密多心經

在縣東九十里靈

山壽峯寺字殊劣

唐李陽冰篆書庾公德政頌

在縣署二堂前文載藝

文

唐文殊碑

在臥牛山前碑載經文不著年月及書者

姓氏相傳為李太白韭葉書

按太白久寓任城隱居徂
徠竹谿甯陽在任城之東

徂徠之西太白往來所經或偶留筆跡亦未可知但結
字方整與世所傳太白書帖迥異未敢信其必然也

唐鄭都官蠟燭詩石刻

在縣東北七十里西太平村

淨慧寺中相傳土人掘井得之因嵌於壁迄今已歷二百餘年詩云仙漏遲遲出建章宮簾不動透清光金闈露白新裁詔華閣花紅正試裝淚滴杯盤何所恨燼飄蘭麝暗和香多情更有分明處照得歌塵下鷺梁按鄭都官
名谷唐詩人今此詩見谷集中惟華閣之華作畫花紅之花作春與此小異大抵谷偶遊於此作爲此詩好事者重谷詩名因刻於石後墜井中復出井而入廟耶

後漢孟知進石碣 在城東十八里石碣集村詳見藝文

宋朝散大夫王筠墓碑 在城內西南隅文載藝文

甯陽縣志

卷之十

金石

六

金譚公能吏碑 在縣東北四十里張家店村泰和元年爲邑人譚洪立張涇撰文洪弟瑜書

元重修武安王廟碑 在城東北七十里西太平村至大元年立教授史謚撰文

明禮部左侍郎兼翰林學士許彬墓碑 在城東里許彬墓側國子祭酒陳鑑撰文史部尚書李秉書

宋周氏石碣 在縣西張村里許周氏先塋之側高三尺許寬二尺許厚二寸許崇甯四年乙酉四月十七日周萬共弟周京萬妻范氏京妻口氏立石字剝落殆盡

惟篆額周氏報父母恩重經八字及立石姓名時日完
全無缺 又一石碣亦崇甯四年立與前碣非一人字
體差大亦剝蝕不盡可辨內有云世居張村幼失怙恃
依叔父成立感念父母刻石以示嗣息等語碑額楷書
周氏墓碑之記 按孟知進石碣卽刻報父母恩重經後
漢去北宋時代相近此周氏石碣正與
知進同一孝
思也 續增

寺觀

寶相寺 在縣東門內不知創自何代宋邑人王筠曾鑄鐵塔置此寺中則其由來舊已元末燬於兵火明洪武中重修嘉靖十八年知縣何廷珮復增置禪院十八間蓋是時齋醮方盛也後俱圯止存大殿後殿及殘塔數層道光二十年信女甯氏等重修山門大殿漸復舊觀邑人黃恩灝撰碑記見藝文

年久傾圯光緒十一年知縣陳文顯典史徐銓紳士張樹培周澐甯復箴曹季桂捐貲募修大殿大門照壁

甯陽縣志

卷之十

寺觀

八

西廂殿裝飾神像油彩門楹一新

重增

壽峯寺 在縣東北九十里靈山之上舊志云元至元
元年建非也考此寺本名妙峯寺不知創自何代有石
塔二乃唐上元元年僧智崇造并刻心經舊志殆誤以
上元爲至元歟宋宣和中僧福謹復結廬於此有蛇虎
馴伏之異金大定十一年僧福善乞改壽峯寺額是時
僧徒日眾乃造鐵索設機汲水以供日用俗因呼爲鐵
索靈山元至治元年僧智海重修大雄殿元末燬於兵
火明宣德初僧智靜及鄉老張彥中重建嘉靖三十九

年重修康熙十四年增建玉皇閣此寺爲甯陽古刹碑碣林立字多殘缺內有萬曆二十三年石刻壽峯寺會記江西督學副使王夢鰲撰文甚有理致又有康熙九年衍聖公孔毓圻撰碑文云曾於此山親見如來語殊怪誕

迴鸞寺 在縣東二十里葛石社宋眞宗大中祥符間東封泰山駐蹕於此故名

石碣寺 在縣東十八里石碣集又名雲蓋寺相傳隋仁壽二年建邑人戚尙義重修雲蓋寺碑記云此刹名

甯陽縣志

卷之十

寺觀

九

曰雲蓋其命名之始不知何所取義父老向余言曰當創建之時有五色雲罩其上者數日此取名雲蓋之所由來也噫是果然耶抑別有深意而傳之失其眞耶云云

寶泉寺 舊志訛爲靈泉寺在縣北二十里夏戴社有元碑門前臨澗名轟雷塘八景激水轟雷卽此

大槐寺 在縣東北五十里大槐樹村以寺中古槐得名八景萬禩古槐卽此

興隆寺 在堽城南迤西金時建有碑記

福勝寺 在西疏村金隆昌六年建

聖壽寺 在青川村元時建有碑記

興國寺 在西王卞村元延祐六年建

洪福寺 在張村東北元時建有碑記

開元寺 在高牆村元時建有碑記

壽聖院 在後望峯村有元延祐間碑

普照寺 在蟠龍玉洞之南麓有明天啟間重修碑出

土中

鐵佛寺 在邑城南村因寺得名有鐵鑄佛像

甯陽縣志

卷之十

寺觀

十

白塔寺 在邑城西白馬廟村西北里許村因寺得名

泉地廟 在亂石厓村東北半里許土名熬山頂上明

天啟元年建殿閣峭聳東倚蒼厓其三面則岡巒起伏

勢若拱揖門外因泉為池方徑數丈水深二尺許冬夏

不涸林木蔥鬱頗稱幽勝

按邑中寺觀頗多舊志登載數十錯出不倫本嫌挂漏且不著其建設何處亦復無從稽攷今但錄古寺名剝餘悉不載

三官廟 在城西北十餘里小畢村萬曆三十八年建

張登雲撰碑文

文繁不載
續增

坊表

金聲玉振坊 在學宮前同治十一年紳士集貲重修有碑記見藝文

館閣元老坊 為翰林學士入閣許彬立 化行江漢坊 為陝西副使張登雲立

清朝柱史坊 為南京刑部尚書吳崇禮立 刺史坊 為荊門州知州孟統立

三正坊 為知州程觀立久圮

進士坊 為嘉靖辛丑科王正容立

舉人坊 有 經魁坊 嘉靖戊子科吳孟祺立久圮 龍躍天池坊 宏治己酉科鄭

龍立 雙桂坊 景泰庚午科王大綱大經立久圮 丹山起鳳坊 正德丙子科續瑄立

世擢巍科坊 正德庚午科許瑜立久圮

甯陽縣志 卷之十 坊表 十一

紫誥重封坊 為鳳陽府知府張登雲母甯氏馬氏妻胡氏立

貞節坊 有二 一為鞏敬妻程氏立 一為孟緒妻朱氏立久圮

貞女坊 為許斗女慕貞立久圮

敕褒節孝坊 有二 一為甯橘齡妻許氏立 一為甯橘齡妻許氏立在南街

節孝流芳坊 為周琳妻顏氏立 在東鄉石碣集

耆齡世瑞坊 乾隆五十九年為五世同堂馬德有立

按明時士大夫致身通顯往往建坊旌表而登甲乙榜者尤例得建坊 國朝仕宦罕有建坊者進士舉人雖官給坊銀亦止代以扁額自表其門不欲於通都廣衢炫示於眾也至節孝建坊不一而足或於閭或於墓視前代有加焉固足徵盛世風俗之美尤足見

昭代褒獎之宏非志乘所能備登也今第就舊志所有者
附錄於右惟五世同堂實罕逢盛事且爲

熙朝肇舉曠典
故特著於冊

耆齡篤慶坊

道光三十年巡撫陳柳士俊立並蒙題請爲五世同堂

恩賜黃絹一疋

銀八兩 續增

甯雷庠生年九十五歲五世同堂乾隆時人

閻英元五世同堂道光時人

蘇允重副貢年九十三歲五世同堂

尹曰信年八十五歲五世同堂

張文亭歲貢年九十二歲五世同堂

塋墓

舊志曰陵墓非也帝王之兆曰陵非縣境所有何得妄加稱謂今改

漢周倉墓 舊志云在縣西三十里黃茂村西北臥牛

山之陽地名五龍口倉本村人隨漢壽亭侯殉節麥城

此其葬衣冠處土人相傳墓甚靈異雖巨漲懷襄不能

沒每日夕陰晦時有騎纛隱現

云

按三國志不為倉立傳其名亦不見於關侯傳及他傳中爵里事蹟正史均無可考舊志為之創立一傳列諸忠義乃僅採之演義小說未足為據故刪之以志慎但既有其墓又有其里其寨故老傳聞由來已久必非無自茲備列之古蹟塋墓門中以俟考證史家信以傳信疑以傳疑不敢意為去取也 三國志魯肅傳肅責數關云云坐有一人曰云云關目之使去明人小說因以其人為周倉元魯貞漢壽亭侯碑有駕赤兔兮從周倉

甯陽縣志

卷之十

塋墓

十三

語是明以前已有其說山西通志倉平陸人初為張寶將後遇關公於臥牛山遂相從後守麥城死之順德志謂與王甫同死王械秋燈叢話周將軍殉節麥城而墓無可考有任生者夢將軍示以葬所遂告知縣陳公掘其地得石墳頗堅乃掩之而樹碣以表焉按甯陽周將軍墓前為祠有碑亦云夢將軍三示其處乃求得之為表墓立祠云云參核衆說將軍墓

南宋太子中舍韓鐸墓 在縣東三里稍西南為鐸子

純墓碑碣殘毀華表僅存居民近墓取土幾致穿陷邑

人周仔世見之惻然為置護墳地三分修築如故

宋贈朝散大夫王筠墓 在城內西南隅

元顯武將軍武進墓 在縣西三十里琵琶山前

明魯靖王墓 在雲山西麓道光二十年陷一孔土人

遂掩之 按明史諸王表靖王名肇輝太祖子荒王檀庶一子永樂元年襲封成化二年薨

翰林學士入直文淵閣許彬墓 在縣東二里杏岡成

化中奉敕造

順天府府尹王賢墓 在縣北十八里戴村成化中奉

敕造

追封撫甯伯鳳陽留守左衛指揮僉事朱林墓 在縣

南十五里古城村西

鳳陽留守左衛指揮僉事追封太子太傅保國公朱明

甯陽縣志

卷之十

營墓

十四

墓 在古城村西

鳳陽留守左衛指揮僉事追封太子太傅保國公朱真

墓 在古城村西

按明史功臣世表朱謙景泰元年封撫甯伯二年卒天順元年追封侯子

永景泰二年襲封子世券成化三年進封侯十五年進封保國公又謙傳云永樂初襲父職為中都留守左衛

指揮僉事明以鳳陽為中都今此三墓據朱氏家譜蓋

即謙之曾祖與祖及父也謙為夏邑人而其祖父墓乃

在甯陽據譜云真之先有名英者元末避紅巾之亂來

遷於此迨謙貴後別葬宣府其弟留守祖瑩至今朱氏

皆其後云
行在兵部車駕清吏司郎中劉貴墓 在牟山後 舊志云貴

為衢州府知府今按貴父誠墓碑貴由北京中兵馬司

指揮陞兵部郎中貴墓碑亦同似未經守衢者或甫出

守旋復內擢歟又貴筮仕在永樂以後是時北京尚稱行在

潼關兵備副使吳孟祺墓 在縣西五里東和村

府同知王正容墓 在戴村 舊志正容官松江府通判而此云同知未詳

陝西副使張登雲墓 在縣東二十五里葛石山

陝西參議張彝訓墓 在縣東二十五里礪西村

南京刑部尚書吳崇禮墓 在縣北二十里雪埠山前

天啟中奉敕建

夏津縣訓導朱永膺墓 在日淵泉西北

南京西城兵馬司正指揮曹麟趾墓 在縣東七十里

甯陽縣志

卷之十

塋墓

十五

鳳凰山西北青后莊

國朝宏文院編修周爰訪墓 在縣西南半里許

六安州同知朱克配墓 在縣北三十里雪埠山東

陝西右布政使甯之鳳墓 在縣東四十里葛石社

江甯府江防同知陳朱垣墓 在縣西五里新柳泉北

附見

元九女墓 在雲山前 舊志云墓碑篆文剝蝕不可盡識大約一家五女無男一女在

家贅壻養老乃土人悉呼為九女墓未詳何故

存疑

晉劉伶墓 在縣北四十里

舊志云相傳劉伶醉死埋此至今呼為劉伶墓村程

鳴岐云或是劉梁墓音之譌也安得片石以證斯言

察判畢公墓 在龜山之陽碑額篆書察判畢公行事

之記碑文剝落殆盡其略可辨識者公諱津字洛叔先

世於宋宣和靖康間扞衛振貸德著閭里公自幼識過

成人時劉濟受金制專賞兩河治兵掄選人才公年十

九騎射登第云云碑陰署銜名云懷遠大將軍開國伯

食東平郡七百戶畢津立石碑建於金大定間鄉貢進

士張涇撰并書

按劉濟之濟似當作豫畢公官至大將軍封爵食邑而碑額書曰察判殊不可

甯陽縣志

卷之十

瑩臺

十六

解亦未詳察判為何官也 金官制有觀察判官察判乃省文耳又續文獻通考熙宗頒新官制除拜內外官始定勳封食邑入銜畢公之大將軍開國伯食邑卽其制

元元勳趙公墓 在副使吳孟祺墓北里許尚有石獸

四石人二碑高可三四尺螭首龜趺俱已斷裂蓋礮其

上半而重鐫者東亦趙氏瑩譜碑序云瑩西有先世墓

一冢不可考碑斷文字剝蝕殆盡止餘至正九年武功

元勳數字云云

按至正乃元順帝末年建號是時元祚將終未聞趙氏有以武功著者此則不

可解也

朱太尉墓 在日淵泉南三官廟西牆外為水所侵石

角半露甯訥云邑人相傳爲朱太尉墓又北關舊有未
太尉廟明永樂十四年建亦未詳所祀何神
論曰志乘之所以併載冢墓者非徒登墟弔壟補墓大
夫之闕蓋必其人功德在民抑或名位烜赫事蹟顯著
勒諸國史是以一抔之土過者歔歔三尺之碣撫而喟
感否則遐年古冢巋然獨存荒煙蔓草中足供嗜古者
之蒼涼憑弔雖無關典要而疑以傳疑未可泯也非此
例焉概弗錄云

續增

元百戶尹公墓 在石梁口南約里許有石羊二碑三
其二剝落不能辨一字惟一碑額篆云元故百戶尹公
之墓按文百戶名元曾祖名宏祖名聚父名侃始於五
季梁迄元累授武職聚權寨禦寇鄉里賴之侃爲百夫
長從萬夫長與蠻軍戰黃土岡陷歿元痛父不仕旣而
朝廷擢用屢立戰功擬以下千戶銓用未幾歿碑立於
延祐四年孟夏招討使撰文泰安府學教授篆額學正
書丹姓名皆漫漶不可識

明懷遠將軍王公墓 在縣西孫村東二里許按碑乃

金吾左衛指揮同知王著父禮之墓將仕佐郎國子監典籍寶篋克撰書禮父陸皆以著貴封贈如其官碑立於宣德八年癸丑八月壬辰而著墓不知所在

重增

元亳州都統張用墓 在葛石店東南五里許爲副使登雲遷甯始祖墓碑剝落不能徧識惟末至元二十八年建立八字可辨

明知縣李之庚墓 在城東核桃園村北明季殉難有傳見宦績

甯陽縣志

卷之十

塋墓

十八

典史龔紹昌墓 在城南關外咸豐十年殉難有傳見

藝文

以上二墓皆邑人代爲立碑前志未採茲以殉難節昭因增入之

灾祥

宋大觀二年十月乙巳兗州龔邱縣檜生花如蓮實

明洪武二十七年三月甯陽汶河決

明史五行志五

天順初年鳳凰鳴於雲山之上

正德六年冬十月河北賊劉六等攻甯陽陷之

明史記事

本末

萬曆四十三年大旱

四十四年大旱饑遣官賑卹

崇禎十二年大旱

十三年大旱蝗土寇曰滋

十四年大疫洊饑斗米萬錢人相食土寇蠭起

十五年冬桃李華十二月十三日

大兵陷城知縣李之庚死之

十七年闖寇步騎三百過縣境

國朝順治元年麥大稔

三年土寇掠西方知縣呼中嶽率兵役禦之弗克典

史种起鳳遇害

四年汶水大漲堙城隄決城西北兩門水盈尺

五年七月十五日東南山寇夜半陷城

康熙四年大旱饑奉

旨蠲賑

七年六月十七日地震有聲文廟仆官舍民房有圯者

八年五月二十九日自泗高村至香泗村大雨雹烈風迅雷拔木擥禾

九年五月周村太古等社雹

十年四月初三日雹

甯陽縣志

卷之十

灾祥

二十

十一年夏蝗

二十年八月初四日大雨雹害稼知縣郭孝請蠲雜項差徭

二十一年八月初八日雹大如鴨卵深尺餘

三十年三月初四日大風晝晦拔木麥盡偃

三十三年夏蝗蝻並生知縣鄭一麟率民撲滅秋大

稔

三十七年大饑

四十一年六月淫雨汶水大漲十九日諸隄並決田

禾渰沒閏七月初三日戌時大風飄石民間碌碡擗

至空中移時始墜

四十二年春大饑人相食夏大水奉

旨蠲賑

四十四年八官莊民王士才年一百一十七歲奉

旨旌表

四十五年邑民謝泮之妻一產三男

五十五年六月汶水大漲諸隄並決甯陽及滋陽濟

甯汶上均受其害

甯陽縣志

卷之十

灾祥

二十一

五十七年大旱

五十八年大旱鹽徒蠶起

五十九年大旱

雍正八年夏大水石梁口決田廬渰沒奉

旨蠲賑

十三年十二月初三日產麟於鶴山之麓

乾隆九年蝗

十三年春大饑夏大水

十七年正月鳳凰嶺居民劉廷山家產麟

有碑記

二十六年秋七月大水

三十年蝗

三十五年陳家店民孫振宗年一百二歲奉

旨旌表

三十六年夏大水石梁口決

四十二年夏大雨雹

四十九年大旱

五十年大旱

五十一年春大饑斗米萬錢人相食麥秋大稔

甯陽縣志

卷之十

灾祥

二十二

嘉慶四年劉家村民劉昌業年一百四歲奉

旨旌表

六年夏大雨雹

七年秋蝻生

八年秋蝗

十年春多雨三月二十日冰凍傷麥

十二年二月十七日夜大風樹多火光

十五年正月十六日大風晝晦然鐙竟日

十七年旱

十八年旱饑

二十年七月人多瘡

道光元年夏寒秋大疫

九年十月二十二日夜地震有聲

十年閏四月二十二日地震

二十一年大旱

二十二年蟲

二十六年五月二十六日六月初二日大霖雨汶水漲決堽城石梁等口各一百餘丈

甯陽縣志

卷之十

灾祥

二十三

三十年春不雨自正月至於五月

論曰史家記灾祥例入五行志蓋自漢儒洪範之學以五事配五行休咎之應捷若影響故曰天人相與之際甚可畏也夫天道遠人道邇以裨竈之智足前知而子產以爲多言或中今日灾不虛生必指某事以實之恐亦有未必然者雖然天之與人非必以情相召而實以氣相感者也老有所養壯有所資幼有所長則謳歌作而和氣生焉和氣充積於下而薰蒸於上天爲所感必降之祥父子不相顧兄弟不相保夫婦不相依則怨讟

興而乖氣生焉乖氣充積於下而薰蒸於上天爲所感
必降之灾是以善言天者必有驗於人故曰天視自我
民視天聽自我民聽有司牧之責者遇灾修省敬天怒
尤必畏民暑哉

續增

咸豐六年旱蝗大饑

十年九月捻匪入甯陽城踞一日東走衙署被焚典

史龔紹昌遇害

光緒二年旱大饑無麥禾晚禾有收

甯陽縣志

卷之十

灾祥

二十四

三年旱無麥秋大稔

卷十終